

Edishon # 141  
4 di Febrüari  
2012

## Boletin informativo di Asosiasion DI IGLESIANAN Adventista Di Shete DIA.

Teritorio di Kòrsou i Boneiru

### Reflekshon:

“P’esei no tira boso konfiansa afó, kual tin un gran rekompensa. Pasombra boso tin mester di perseveransia, pa ora boso a hasi e boluntat di Dios, boso risibí loke a wòrdu primintí. Pasombra denter di masha poko tempu, Esun ku ta pa bin, lo bin, i lo no tarda!”— **Hebreonan 10: 35-37.**

### **KONVOKASHON SPESHAL!**

#### ***Lanta! Ta ora pa bai kas! Rebibamentu, kambio i direkshon.***

Un invitashon ta bai na tur iglesia pa un programa speshal:

Fecha: Sabat, 11 febrüari 2012

Ora: 9:30 am

Lugá: Sentro Evangelistiko na Buena Vista.

#### *Tene na kuenta ku:*

- 1.** Kada ruman mester bin ku nan propio awa pa bebe.
- 2.** Debí na skarsedat di lugá di parker, nos ta pidi pa te asina leu ku ta posibel pa rumannan laga outo na kas òf iglesia bini huntu den konvoi (ta bon pa kada iglesia por organisá esaki).
- 3.** Si rumannan mester bini ku outo tin posibilidat pa parker (I siguridat pa e outo) na Marigotweg i pegá ku e skol Juan Pablo Duarte.  
Lo tin transporte di einan pa e Sentro Evangelistiko na Buena Vista.
- 4.** Bini ku un bon animo pa risibí bendishon di shelu!

### **MINISTERIO DI ADRA**

A-YES ta bai tin su training di shèlter djadumingu awor 5 di febrüari, destiná pa distrito di Pastor Presentación.

Lugá: Iglesia na Tra'i Seru

Ora: 2or pa 6or

Tur Dorcas, Bon Samaritano, Diakono i diakonisa, teachernan di mucha, nos hubentut ku ke drenta den team di shèlter i A- YES pa yuda den momento di kalamidat.

Distrito di pastor Kwidama por kuminsá prepará pa nan training dia 26 di febrüari.

E lider di Dorcas tuma kontakto ku Br. Selassa pa asina por prepará e material.

Br. Selassa. Tel: 525 4919

### **MINISTERIO PERSONAL**

Graduashon di Studentenan di *Skol Kristian!*

Dia 25 di febrüari 2012,  
pa 4or di atardi .

Keda pendiente pa e lugá.

Último dia pa studentenan paga ta dia 10 di febrüari 2012.

Bishitá:

[www.adventcb.org](http://www.adventcb.org)




Kompromiso Semanal pa Informá



Pa informashon adishonal i kompleto, pòtrènan di aktualidat, bishita nos website: [www.adventcb.org](http://www.adventcb.org) i lo bo disfrutá di nos progreso kaminda bo idea, opinion semper ta bonbini pa mehorá nos servisio pa kada ruman positivo.

**SERVISIO DI EDUKASHON HOGAR I SALÚ**



Ela yega! E buki “E profil di un matrimonio Eksepshonal”, Skirbi pa Ps. Cherril Francisca. E ta bini den Tomo I y II. Tur pareha mester tin e buki aki den nan kolekshon.

Un buki skirbi na papiamentu pa un konsehero profeshonal. Buska di bo serka un kolportor na bo iglesia, si no tin unu, pasa serka nos na SEHS i kumpra esnan di bo!

Pa mas Informashon yama nos na  
Tel.:736-6900

**OFISINA DI EDUKASHON**

Tur studiante i nan mayornan ku kier mas informashon over di studiamentu den region i studiamentu na nos Universidatnan Adventista por tuma kontakto ku Dr. Aignald Panneflek via di e-mail [apanneflek@adventcb.org](mailto:apanneflek@adventcb.org) of 561-8377.

**DEPARTAMENTU DI MINISTERIO DI SALÚ**

Di DOS KAMINATA” *Ban Kana* PA UN MIHO SALÚ” dia 4 di mart 2012 saliendo pa 6:00 di mainta for di Administratie di Advent Ziekenhuis.

E preis pa esnan ku tin flanè kaba lo ta Fl. 5.00 i pa esnan ku tin ku risibí flanè lo ta Fl. 10.00 i ta enserá awa i apelsina durante ruta i sòpi ku pan na final di e ruta.

Karchinan lo ta disponibel na Asosiasion, na Servisio di Edukashon Hogar i Salú i tambe na bo lider di Ministerio di Salú i otro rumannan asigná pa bende karchi.

**Dr. Aignald Panneflek**

**OFISINA DI EDUKASHON**

Dia 7 di mart 2012 lo ta dia speshal di orashon den nos sistema edukativo den henter nos Divishon Inter-Americana. Nos dos skolnan Adventista lo prepará un programa speshal pa nos muchanan riba e dia ei enfatisando e importansia di orashon.

Tur nos mayornan ta wòrdu pidi pa yuda prepará nos studiantenan pa e gran okashon ei, instruyendo nan tokante di orashon den palabra pero mas ainda dor di duna e ehèmpel di ta mayornan di orashon den nan hogarnan.

“Orashon ta e habrimentu di e kurason na Dios manera na un amigu.” Kaminda na Kristu *página 93.*

Dr. Aignald Panneflek

**TRADUKSHON**

Nos kier rekordá tur rumannan ku kier yuda den tradukshon boluntario di materialnan pa Asosiasion pa por fabor tuma kontakto ku Hermana Mirugia Servania na telefon 517 7753.

Nos mester personanan urgente pa por yuda hasi e trabou.

**Hna. Mirugia Servania**